

藏園群書題記

第四集

書潛自署



# 藏園墨書題記第四集目錄

宋本周易要義跋	二二一—二二四
跋靖康野史彙編四種	二二四—二二八
宋本白氏六帖事類集跋	二二八—二二九
明初本蜀鑑跋	二二九—二三二
校蜀鑑跋	二三二—二三三
監本纂圖重言重意互注點校毛詩跋	二三三—二三五
果毅親王使藏日記彙本跋	二三五—二二七
鈔本林居漫錄跋	二二七
十家宮詞跋	二二七—二二八
明本水東日記跋	二二八—二二九
明刊巽隱程先生文集跋	二二九—二三〇
蓉塘詩話跋	二三〇
故宮殿本書庫目錄跋	二三〇—二三三
醉許昌詩集跋	二三三—二三四
寫本菰中隨筆跋	二三四—二三八

明鈔本大金國志跋

二三八—二四二

校明弘治本石屏詩集跋

二四二—二四三

明寫本北堂書鈔跋

二四三—二四四

寫本陳伯玉文集跋

二四四—二四六

寫本歷代宅京記跋

二四六—二四八

校朝鮮史略跋

二四八—二四九

影宋本謝宣城集跋

二四九—二五〇

藏園檢理殘書記

二五〇—二六五

明內府寫本翰苑羣書跋

二六五—二六六

鈔本續考古編跋

二六六—二六七

明本顧菴居士集跋

二六七—二六八

校北夢瑣言跋

二六八—二六九

明弘治本藏春詩集跋

二六九

校宋刊北齊書殘本跋

二六九—二七〇

宋刊咸淳臨安志殘本跋

二七〇—二七一

影宋本鬪範跋

二七一—二七二

宋刊後漢書

二七二—二七三

校眉山本陳書跋	二七三—二七五
邢氏求已齋藏書記略	二七五—二八〇
校蘇伯修滋溪文彙書後	二八〇—二八一
題浙江詞科試帖後	二八一—二八四
補史亭贍稿跋	二八四—二八六
宋本宛陵先生集跋	二八六—二九〇
校明鈔徐孝穆集書後	二九〇—二九一
唐風定序	二九一—二九二
題福開森藏辛卯科江南鄉試題目冊	二九二
北宋本五代史記跋	二九二—二九四
正德本沈佺期集跋	二九四
宋刊本義豐集跋	二九四—二九五
姚舜咨手寫建炎復辟集跋	二九六
宋刊胡次和太玄經集注跋	二九六—三〇四
鈔本西域遺聞跋	三〇四—三〇六
明鈔雲臺編跋	二〇六
校宋寫本楊太后宮詞跋	三〇七

宋本武經龜鑑跋

藏園叢書題記 目錄

三〇八

四

# 宋本周易要義跋

此周易要義。宋刊殘本。存卷一卷二卷七至卷十。凡六卷。半葉九行。行十八字。白口雙欄。版心上記字數。下記刊工姓名。宋諱貞恒栢皆缺。未筆刊工有李升有成時亨文茂安茂游安余才余文季清余子文汝能仁壽德顯諸人或方熊程唐鍾等姓。或晟之慶宣君禮京宜共老等名。各一字。首周易要義序。改爲卷首載長孫無忌等上六經正義表。次目錄。本書書名標題下。記卦名。每條標目數字。用陰文。各卷未有印記。其流傳端緒。無可攷見。檢孫慶增上善堂書目。有宋板周易要義五本。不全。下注汲古閣藏本。其冊數正合。疑即是。或毛氏藏印。展轉失去耳。以江蘇局刻校之。訛奪至夥。茲舉卷一上所補各條於左。

按宋臨邛資政學士魏了翁撰九經要義。此其首帙也。方回周易集義跋。言鶴山先生謫靖州。取諸經注疏。摘爲要義。又取濂洛以來諸儒易說。爲周易集義。是要義外。尚有集義一書。今已失傳。朱竹垞經義攷。備載諸經要義。而易類。獨載集義。蓋誤以爲集義。即要義也。張萱內閣書目。載九經要義。而周易只題二冊。不標卷數。葉文莊菴竹堂書目。載要義五冊。凡十八卷。今行世本。乃祇十卷。疑葉氏並子卷計之。非有異也。卷一分上中下上下各分。獨近時丁氏善本書室藏書志。作二十卷。殊不可解。豈編次不同耶。抑二字爲衍文耶。埃更訪詢之。

又考此書各家書目所載。多爲鈔本。如愛日精廬所藏。爲傳是樓鈔本。今在海虞瞿氏。此外韻宋樓陸氏。帶經堂陳氏。善本書室丁氏。咸爲鈔本。四庫著錄。據副都御史黃登賢家藏本。而按提要述及知爲天一閣鈔本。惟邵亭書目言。郁松年家有宋刊本。最精。考郁氏書籍。多爲丁中丞所得。如禮記儀禮毛詩三經要義。邵亭經眼錄。咸著之。惟周易。未知歸於何許。提要又言周易要義。荷高宗御題。則進御者必爲宋本。然天祿琳瑯前後錄。皆不載。抑又何耶。朱竹垞言。秦對巖太史有此書。然不言其爲刻本。疑亦傳錄之帙耳。余已未秋。在廠肆文友堂書坊。見有宋刊本五冊。缺三四五六。凡四卷。心頗愛玩。而傾囊不足以舉之。因馳書告張菊生前輩。爲滌芬

樓收之。余以江蘇書局新刻諸經要義。所據多宋本。其校勘必臻精審。亦未以此帙爲環異也。頃以事南游。晤菊生於海上。其時涵芬樓已被兵燹。連棟高樓。萬函珍籍。一夕化爲煨燼。菊生手檢別儲之書。幸遺於烽火者。編爲燼餘書錄。已成經部史部各二冊。因舉以見示。朝夕相過。虛衷下問。商榷得失。適見述及此書。言足以補正新刊者。連行累葉。至不勝僂指。乃知光緒丙戌付雕時。此書所據爲一抄本。非如毛詩禮記儀禮二經有宋本足資勘證。故其訛脫滿紙。無能刊正。余爽然自失。深媿當日之粗疏。致令孤本秘笈。失於交臂。爲足惜也。瀕行。乃請於菊生。携以北還。塵鞅甫息。敵警頻傳。然嗜古耽書之癖。奮發不能自己。爰閉門澄慮。銳力校得一冊。補脫文十二則。咸疏於左方。適社友書來。督刊題記。乃錄以付之。其餘卷所得。埃異時續爲刊布。卷尾小記。並增志之。癸酉五月朔藏園記。

余從涵芬樓假此宋刻殘本。載以北歸。時日軍迫近郊。飛機翔空。潞河隱聞砲聲。兵甲環城。殆二十萬。居民惶駭。携家四出竄避。留者一日數驚。余兀坐危城。心情惡劣。殆不能堪。今日弭戰之說。似聞有成。意緒差寧。迺重理筆硯。日未移晷。遂盡此卷。聊記之卷尾。俾後人覽之。知老人嗜書如命。雖倉皇戎馬之中。尙丹鉛不輟於手。其癡絕宜可笑。而其孤懷微尙。亦良足悲矣。

癸酉夏歷五月朔藏園老人鐙下記

周易要義卷一上校記其葉數行格照局刻本

三葉下四行以變者爲占句下補二十八字

故杜天凱注襄九年傳遇艮之八及鄭康成注易皆稱周易以變者爲占

五葉上七行後有標目十五字

〔七〕乾六爻子至己謂正三五七九者非局刻在闕上

九葉上闕，有標目十五字，

十三 大哉至利貞釋四德首出言聖人

九葉下四行各能正定句下，補二十四字，

物之性命性者大生之質若剛柔遲速之別命者人所稟受若

十葉上一行在衆物之上句下，補十四字，

最尊高於物以頭首出於萬物之上

十一葉上一行，說象不同下，補六字，

乾坤不顯上下體宋本在上闕

十七葉上闕，有標目十三字，

廿二 凡卦亨貞連事起文者不數

十八葉下一行，而旡悶者句下，補十四字，

言舉世皆非雖不見善而心亦无悶

十九葉上闕，上有標目十五字，

廿六 以異於諸爻特稱易曰又云君德

十九葉下六行，此明九五爻之義句下，補十二字，

同聲相應已下至各從其類也

二十二葉下，闕上有標目十五字，

卅二 爻爲人位爲時人不妄動時可知



二十三葉上闕上有標目十三字、

卅二經惟言時舍注言時之通舍

### 跋靖康野史彙編四種

嗚呼讀史至靖康之際。未嘗不腐心扼腕。痛悼於當國之失策也。政宣之朝。君臣酣嬉逸樂。蔡京父子主樞務者二十年。日以制禮作樂粉飾昇平爲務。金人起於北方。鐵騎駸駸南牧。而以邊事委之閹人童貫之手。橫挑虜畔。方欲因利乘便。坐收漁人之利。及邊禍再起。問罪南來。乃倉皇禪位。以祈苟免。斯時即有英毅之辟。革弊政。任賢豪。厲兵捍宇。猶懼不支。况孱庸如少帝。而佐以吳敏李邦彥白時中諸人。宜其束手就擒。縲絏而北去也。余既校靖康要錄。更以敵篋積年所收小史彙而存之。前車既覆。來軫方適。余亦何心復哀宋人耶。藏園老人記。

南燼紀聞一卷附阿計替木末

舊鈔本十行。二十一字。前有阜昌丁巳冀之黃氏序。版心有四古堂三字。眉間有前人校筆。收藏有傅王露印。州來氏藏書記。吳志嘉。石倉老人。石倉手校。四香。諸印。

卷末有舊人錄齊東野語。七修類稿。以辨茲書爲小人所僞造。並摘錄編中大事於左方。或即石倉老人筆耶。

「按丁氏善本書室志。載靖康紀聞一卷。亦爲四古堂鈔本。謂四古堂乃」

「吳石倉之書堂。蓋與此書同時鈔校者。今乃勞燕分飛。天各一方。」

「殊可念也。」

竊憤錄一卷續錄一卷

舊鈔本十四行，二十二字，吳志忠以朱墨筆校竟，補佚文一則於上方，並手跋其後，有吳翌鳳、枚菴氏珍藏，枚菴流覽所及，二印。

有人携香傳閣鈔本雜錄者，凡七種：南燼紀聞、竊憤錄、續錄、阿計替傳、燕北錄、虜庭事實、聖武親征錄、庚申外史也。有北苑識云：己酉借金星軔鈔本重校，訂訛補漏，已爲善本。金平不及也。忠不嗜雜史，以所載多亂臣賊子之逆跡，殊增憤悶也。因家藏是冊，譌舛多多，取以正之，並補脫一條於上方。道光四年五月夏至日識。志忠。

### 南燼紀聞錄一卷

題宋辛棄疾著，前附南渡錄大略一篇，舊鈔本八行，二十字，有芝農珍藏，心太平軒主人之記，各印。

### 竊憤錄一卷續錄一卷阿計替傳一卷

舊鈔本，行格印章同前書，合裝二冊。

### 南燼紀聞一卷

### 竊憤錄一卷續錄一卷

### 阿計替傳一卷附南渡錄大略

舊鈔本，十二行，二十五字，潘氏以藍筆校過，並跋一則錄後。

右五書曾見於學海類編，及淡生堂餘苑藝圃搜奇諸刻。今其書皆不可得。偶從秀水沈氏借得舊鈔本錄藏之。筆畫疑有舛譌，無由校正。復於江山劉太守履芬所見一本，少竊憤錄兩卷，借歸對校。乃知沈氏本即南燼紀聞，分作三卷，以第二卷爲竊憤錄，第三卷爲竊憤續錄。劉氏本則連爲一卷，統名南燼紀聞。所載事蹟，大略皆符。惟字句互有詳略，亦各有得失。未知孰是因用藍筆，將劉本錄於上，姑兩存之，以俟。

博雅者。至是書頗近穢雜。無足取者。稗官野乘。聊備一種云爾。同治十一年壬申嘉平月。賸翁借校畢。並記。

卷中鈐有小雅賸翁潘氏井養齋所藏賸翁手校小雅偶得之各印記。

按上列諸書一名南渡錄。傳是樓有鈔本。以是編乃宋遺民張氏自虜中南渡携來。故題此名。其書猥褻蕪穢。自是偽撰。亦如張師顏南遷錄之屬。前人辨之詳矣。周草窗齊東野語。序中所述晉少帝北轅之幽懿錄。謂歐公脩五代史實采之。今攷新舊五代史。初無是說。其叙二帝北狩。遷安肅軍雲州西江州五國城。復又至西均從州。以他書證之。其地理遠近皆大繆。不經。又阿計替所述。咸二帝胸臆不可言之事。彼何從知之。且於二帝初無一日之恩。何至冒嫌歷險而終不捨去。其謬妄可不攻而自破。郎氏七脩類稿云。此錄乃竊宣和遺事之下集。增飾其事。必宣政間遭辱之徒。以發其不逞之氣而爲之耳。意竊憤。或即紀聞。後人讀之而憤。故易此名。四庫總目亦言南渡竊憤二錄。所載語並相似。或題無名。或題辛棄疾。蓋本一手所偽託。故所載全非事實。如以天輔爲金太宗年號。天輔十七年。改元天眷。不知天輔乃太祖年號。止於七年。又如言金主正月生日作宴。不知太宗生日。固在十月。其後熙宗乃在正月也。又言靖康二年五月至燕京。封太上爲天水郡公。帝爲天水郡侯。不知金本記。固明言八月封徽宗爲昏德公。欽宗爲重昏侯。至天水之封在皇統元年。實在徽宗歿後也。其所稱歷徙各地。核以正史。無一不謬。此必南北宋間亂臣賊子所爲。斷非實錄。錢竹汀日記亦言南燼紀聞。題辛棄疾著竊憤錄續錄。不題撰人。其實即一書。強析爲三要。亦好事者偽造耳。余謂此書偽撰。固已顯然。然亦或南渡人士痛心虜禍。設爲侮嫚之辭。醜污之事。淋漓盡致。著虜主之兇淫。二帝之僂辱。藉以激厲中原士大夫。恢疆雪恥之心耳。夫以帝后宗族。千有餘人。囚俘就道。流離絕塞。歷數十年。其困辱不堪。泥塗冰雪之苦。宜非筆墨口舌所能盡者。青

衣行酒亡國之慘。千古同悲。大水二昏。豈能獨免。後之讀者。宜怵目。劇心。引爲爛戒。慎毋屏諸。媿書。穢史之。列可也。至提要所論。似爲金人辨誣。則由執筆者。當時有所忌諱。識者自可分別觀之焉。若丁氏善本書志。謂徽宗抑釋。多爲繇流。作快辭。疑南渡後釋子爲之。則亦揣度之言耳。

又按紀聞及二錄。實爲一書。檢吳石倉四古堂寫本。祇題南燼紀聞之名。而竊憤錄續錄。即在其後。其文字銜接首尾。原本一篇。不知何人乃自銜。衢遇老叟話。元夕熬山事起。劃爲竊憤錄。於是吳志忠本。芝農本。潘氏本。皆沿之。第叙事相同。而文字略異。似相傳有詳簡二本。大抵吳石倉本較詳。吳志忠芝農兩本較簡。潘氏原錄亦爲簡本。而以劉履芬本校之。故增改之字。盈溢行間。知劉本似與石倉本同源也。

吳允嘉字志上。號石倉。仁和人。富藏書。汪氏振綺堂得其手鈔書數百冊。四古堂其藏書之所。丁氏善本書志有靖康紀聞一帙。鈔格亦有四古堂三字。與此書當爲同時所傳錄。石倉有口占示兒輩詩云。幾卷殘書幾畝田。祖宗相守已多年。後人窮死休相棄。免使爾翁恨九泉。誦此可見其書癖之深。雖身後藏書即散。然流傳迄今。得者群知寶愛。什襲以儲。翁亦可以無恨矣。吳志忠字有堂。即瓊川吳氏。容齋先生曾孫。自號妙道人。余有顧氏秀野草堂本。唐闕史亦其手校者。芝農贖盒均不詳何人。

### 靖康孤臣泣血錄一卷

題太學生丁特起述。明吳思刊本。上列錢塘汪且復評。半葉九行。二十字。鮑以文舊藏。有朱筆批字。鈐知不足齋鮑以文藏書。天都鮑氏困學齋圖籍兩印。

按是書一名靖康紀聞。一名靖康蒙塵錄。其實一也。丁特起無可攷。徐莘老三朝北盟彙編采之。自非僞作。其叙述靖康元年至高宗即位止。證以靖康要錄。大略相同。至其立論偏駁。事實偶誤。彭文勤曾歷舉正之。四庫總目亦糾其失。但頗疑爲好事者託特起名所爲。明時別有萬歷丙午長洲張豫誠刊本。王在

公序之四庫存目所見錢竹汀日記所載皆是本也。此吳思刊本亦殊罕觀。

## 宋本白氏六帖事類集跋

右白氏六帖三十卷。宋紹興刊本。半葉十三行。每行二十六七字。注雙行。三十至三十五字。細黑口。左右雙闌。板心中。記帖冊一二等字。下記刊工姓名。可辨者。有施俊重刊。方師顏。劉仲。施蕙。蔣暉。李德。方成。陳忠。洪茂。陳高。朱因。胡正。陳珍。王時。徐顏。余正。丁珪。劉正。毛諫。余坦。王珍。梁濟。徐侃。洪先。洪新。李成。劉舉。諸人。首有目錄。題曰白氏六帖事類集一部。凡三十卷目錄。每卷前附子目。其門類以數記之。如卷一天第一起。至臘五十三止。首行書名下。雙行記。凡若干門。內若干門附。門類之字。用陰文別之。避宋諱極嚴。至構字止。如卷三堂構層構構館。皆注御名。板心記冊數。凡六卷一至四。爲帖冊一。卷五至八。爲帖冊二。卷九至十二。爲帖冊三。卷十三至十八。爲帖冊四。卷十九至二十四。爲帖冊五。卷二十五至三十。爲帖冊六。篇葉記數。以一冊數卷通計之。每卷末標題前空一行。字體方嚴。氣息醇厚。雅近歐體。審爲南渡初浙杭間開板者。收藏有趙氏家塾藏書。古吳王氏。中南山人。竹塢。玉蘭堂。季振宜藏書。季振宜字說兮。號滄葦。季振宜印。滄葦。乾學。徐健菴。翼之珍藏。諸印記。知歷經明代吳中王氏。長洲文氏。清初泰州季氏。崑山徐氏。諸名家家藏。其傳授源流。可考而知也。趙氏一印。宋文古。滄葦疑是元人印。

按晁氏郡齋讀書志。陳氏書錄解題。皆載六帖三十卷。惟陳氏引唐志。作白氏經史事類。一名六帖。又據醉吟先生墓誌。言著事類集要三十部。時人目爲白氏六帖。是六帖之名。乃當時所加。非白氏舊題也。今此本題爲事類集。與唐志及墓誌都合。且全書彙數卷爲一冊。至冊六而終。意當時標爲六帖。正取此義。四庫提要。乃引程氏演繁露。唐人科試帖經之制。得五得六爲通。以證其說。殊爲迂滯。當由作者未見此本。不免望文生訓。以傳會其名。然則此本之佳。正不必論其文字之精。審。雕。鏤。之。明。麗。即。觀。其。標。名。分。冊。可。糾。正。流。俗。之。失。斯。已。足。貴。矣。顧。余。竊。有。所。疑。者。昔。陸。存。齋。函。宋。樓。藏。書。志。載。白。帖。一。部。號。爲。北。宋。仁。宗。時。刊。本。據。志。言。行。款。大。小。字。數。與。余。此。本。正。同。惟。標。名。爲。六。帖。類。聚。分。帖。冊。爲。十二。獨。爲。差。異。耳。嗣。余。已。已。東。游。登。靜。嘉。堂。入。文。庫。披。觀。原。書。則。其。刊。工。方。雅。字。撫。率。更。亦。罔。不。與。余。本。酷。肖。且。檢。其。

書名仍標事類。審其中縫。亦止帖册六篇。中構字已書。御名是與。余書實爲一版。刻所印。初不解儀。願題跋。所舉類聚之名。與十二帖之數。何自而得。大抵存齋銳意收書。志力闕偉。時或炫奇。侈博而鑑別未盡。精能就余所經眼言之。如論語集註。韓柳文集。皆元刻也。夢溪筆談。百川學海。李翰林集。皆明刻也。而以爲宋刻。資治通鑑。避諱至廊字。太平御覽。避諱至慎字。皆南宋本也。而以爲北宋本。今此書緝檢未周。第見其字體端嚴。雕工樸厚。懸斷爲北宋仁宗刻本。要不足詫也。異時當馳書長澤君。發篋重閱。詳核終編。歷究標題分帙缺筆諸端。傾懷語我。庶一決此疑讎乎。提要言靖康綱素雜記。載白帖有元祐五年博平王安世序。此本不載。陸本亦無之意。其缺佚久矣。提要又據荅溪漁隱叢話。稱六帖新書。出於東魯兵燹之餘。南北隔絕。其本不傳於江左。莫丈楚生。因謂白氏之書。南渡尙無傳本。此似未然。釋胡氏之言。似指孔書而發。蓋孔氏繼白而譔。故言新書傳本。聖裔故言東魯也。至本書小注。晁志謂其曾祖父所爲。提要以今本注文簡略。意即出於晁氏。其說是也。乃存齋考王珪華陽集之晁仲衍墓誌銘。謂仲衍注六帖時。本與原書別行。如北宋經傳有單疏之類。其言殊謬。夫群經單疏。不錄經文。祇括注之要旨於上。而以疏文詳列其下。設循斯例。此等類書。只采故實詞句。舍引用本書及上下文之外。有何要旨可標。且原書注文殊簡。所收單詞俊語。大半祇注出書名。信如所言。盡羅列經史書名於一篇。更復成何體製。予按墓誌所言。仲衍以白傳所撰事類集。傳者寔舛。乃參考經史。一以刊是之。仍據舊目。補考摭新。別爲後集三十卷。曰類事後集。云云。詳審誌文。參攷經史。一以刊是之。是取白書校正而疏明之。當即今日所傳之注本是也。下言仍據舊目。補考摭新。別爲後集。曰補曰摭。又明曰後集。是依白氏例而補其未備。別輯一編。如孔氏新書是也。第未及流布耳。陸氏併二事爲一談。謂晁氏有單注別行。且引儼經疏。以自矜。創解寧非笑端。而藝風老人又從而和之。倘取墓誌而詳加研尋。當自哂其說之不可通矣。此書自與孔帖合併後。元明及今。迄無刊本。由是白氏原書面目。後人末由窺見。而宋本之存於世者更稀。如星鳳。余考宋代此書約有三。刻最初者北宋刻。爲元祐時王安世序行之本。諸家皆無著錄。疑斷種久矣。次爲紹興刻。即此本及陸本是也。又次爲南宋坊刻。即新雕添注出經之本。余曾一見之。舊爲周漪塘藏書。今歸適園張氏是也。此外見諸著錄者。季氏延令書。

目。汪氏藝芸精舍書目。皆載有宋刊。季目題曰類聚。則非。余藏本。陸氏書無滄葦印。則非。陸藏本。是季氏別有一宋本。王蘭泉藏有宋本。見邵氏莫氏目錄。然與季汪兩本。皆不著行款。未詳爲何本。且存佚皆不可考。帶經堂陳氏惟經籍有影宋本訪古志言。京都伊良子某。藏有殘宋本。蘇隣老人刊入留眞譜。其版式與此本相符。惜僅存六卷。然則白氏之書。千百年以來。祇留此三本。鼎峙於天壤間。審非書林之瓌寶乎。

余之得此書也。實在癸亥歲之八月。舊爲南皮張文襄家物。文襄藏書。前此數年。已連車輦入廠肆。余曾於聚珍書坊。得公手批癸巳類稿。及夷務始末記諸書。此書度諸後樓。與鄂督文牘。雜存敝篋中。故獨得晚出。癸亥仲秋。寶沈齋前輩。持以見眎。屬爲審定。喜其罕秘。愛翫不忍去手。因斥去宋刊通鑑目錄。以鉅金易得。翊歲宴樊山老人於藏園。語及新收秘笈。老人謂此乃昔年陳臬長安。以二百金得之。寄贈文襄。文襄喜甚。手書報謝。老人爰題記卷端。以志感喟。所謂太傅碎金。曾過門生之眼。故人得寶。何傷楚客之弓。正紀此事也。知好中如獨山莫楚生。項城袁抱存。先後咸得寓目。各有題識。歡喜讚歎。詫爲希世之珍。今墨藩猶新。而三君咸逝。已久墓有宿草矣。開函展誦。爲之泫然。余既獲此本。初第賞其精麗。尙未以爲瓌異也。迨取白孔六帖校之。則明刻。譌奪盈紙。改竄極多。設不見宋刻。將終古無人。是正矣。茲姑舉其脫文言之。如日門。脫實也一條。資賓資餞下。脫賓迎也。餞送也六字。又脫三舍一條。及注魯陽揮戈日反三舍八字。星慶瑞門。脫有道則見一條。及注無道則隱四字。雲門。脫白雲起一條。及注後漢蒯子訓到洛見公卿數處白雲起十五字。雪門。脫樂乎一條。及注孟子曰齊宣王見孟子於雪宮。王曰賢者亦有樂乎。子曰爲人上者不與人同樂也三十一字。風門。脫詩一條。及注班婕妤詠扇詩。常恐秋節至。涼飈奪炎熱十六字。霜門。脫陰陽氣一條。及注大戴記曰霜陰陽之本也。陰氣勝則凝而爲霜十八字。火門。脫猛一條。及注魏子曰危殆之國。治不益民。是猶薄冰。當白日聚毛。過猛火二十三字。其它訛舛漏落之處。單詞片語。指不勝屈。未能備錄。蓋緣合刊之時。改併卷次。展轉移寫。奪落差失。事所難免也。

此書入敝篋中。已逾十載。頗欲點勘。終編撰成。校記公諸同好。祇以耽嗜山游舟車行役。未敢以秘冊自隨。兼以旁鶩。

他書遂致丹鉛作輟不恒頻年涉筆只終數卷亦欲覆諸木石川廣流傳議或垂成而罷適來南中世好張君芹伯見而愛好以刊行自任請先精影百部餉之同人竊喜正符夙願慨以畀之芹伯家世藏書多得宋元秘本周澹塘所藏之六帖添注出經即其先世所貽雕鐫楮墨精湛可觀顧芹伯以其經坊賈增刪外失滋多遠不若茲本之善寧舍己而耘人亦可謂不阿所好能鑒其真者矣故余嘉其志而詳考其源流得失之故俾附著於簡末以告來者焉歲在癸酉五月既望傳增湘識於藏園之石齋

### 明初本蜀鑑跋

蜀鑑十卷宋郭允蹈撰明初刊本半葉八行行十六字白口雙闌前有端平三年李文子序次方孝孺序序後有嘉靖乙卯壘山主人佳胤跋末卷後文子又取周易孟子通鑑言山川險要數則於後而附以跋時爲嘉熙元年又淳祐五年古鄂別跋失其名

按此書宋刻本諸家絕少著錄惟此本張肖甫跋言李蒲汀司徒藏宋刻甚精後歸澧汾晁太史肖甫從晁太史假錄之李司徒即濮陽李廷相晁太史即開州晁堧皆明代藏書名家有書目傳世今宋本不可踪跡矣晁氏藏明影宋本余曾得假校別爲跋語以志之此外相傳惠氏百歲堂藏元刊本其書後歸陌宋樓以蕘翁跋考之仍爲明初本陌宋又著錄嘉靖刻本以余審之亦即此本蓋此書爲明洪武時蜀王分藩西川所刻大字疏行仿坡公體考蜀獻王名椿太祖第十一子博綜典籍容止都雅帝戲呼爲蜀秀才二十二年就藩於蜀聘方孝孺爲世子傳表其居曰正學以風蜀人肖臨講郡學著有詩文集各二卷集中有送方希直還漢中詩詞意古穆有緇衣好賢之風此書刊板即在其時故孝孺奉旨撰序其署銜尙緝漢中府教授也其版傳至嘉靖張肖甫得之補訂而附跋於後然則所謂元刻嘉靖刻皆此蜀藩本也緣其字畫古茂或者疑爲元刻又見其補版附有張氏跋遂認爲嘉靖刻耳第此版流布亦稀諸家藏目往往無之守山閣刻本其原從四庫出四庫所收是兩淮所進亦明刻也適其本有缺葉故卷八末史論自中興以來虎臣宿將以下奪落一百八字而妄增億萬年安枕矣六字以足之殊爲可哂檢余此帙其文固完然具存也此書



敘述簡要有法。其詳於江山險易。道里遠近。及歷代戰爭。餉運之徑途。要有深旨。吾蜀險要。雖控於一隅。而形勝實關。於天下梓里人士宜究心及此。以爲捍禦治理之方。惜明刻既罕。秘難逢。即守山閣本。遠道亦稀得致。異日當取余校本。重訂刊行。以餉鄉人。倘得嗜學之士。就郭氏之例。采宋元以來之事迹。輯成續編。則裨益於鄉國。其功尤偉矣。蜀天萬里。引領望之。癸酉五月二十六日藏園記。

## 校蜀鑑跋

蜀鑑十卷。宋資中郭允蹈輯。余家藏明初刊本。有方孝孺序。又張佳胤跋。疑肖甫就明初板刻而補其殘缺。收藏家稱爲明初蜀本是也。据肖甫跋言。李蒲汀家有宋刊甚精。後爲澶汾晁太史所得。肖甫從晁氏錄存之。今宋刻已不可得。覩各家亦無著錄。惟常熟瞿氏有明人寫本。舊爲吳方山家藏。云從宋本影寫。較之蜀本爲勝。余以此書關係鄉邦文獻。銳欲從事校讐。而瞿氏書道遠不可致。適北平館中新收鈔本。審爲就方山本摹出者。乃假歸取守山閣本校之。始至壬申四月。至癸酉三月乃畢。瞿目列舉差誤各條。審之一一都合。然大段脫失者尙多。舉其犖犖大者言之。如卷二標題關羽失荊州。今本作孫權襲荊州。總論墮呂蒙之詭計上。有輕躁寡謀四字。今本無之。卷十三建興十二年運米集斜谷下。有口治斜谷四字。又有一行文曰建興十二年春丞相亮率衆十萬由斜谷伐魏。今本無上十六字。而誤以伐魏二字接集斜谷下。是以次年屯五丈原事預屬之。十一月矣。卷四李壽縱獠條。布在山谷十餘萬下。有落時蜀人東下者十餘萬十字。今本無之。卷五晉安帝元興二年二月桓玄僭位。今本脫興二兩字。則事屬安帝元年。四庫館臣按語。以與史不符疑之。不知其奪此兩字也。卷七明皇幸蜀。蜀士豐稔下。有甲兵全盛上大悅七字。今本無之。又岐蜀交爭。有岐王使劉知俊攻蜀圍安遠軍。今本無此十二字。於是以下文岐王使劉知俊李繼崇將兵擊蜀等三十八字。改目爲綱矣。卷八知祥圖蜀。帝以劉訓爲南面招討使。下有夏魯奇爲副指討使八字。今本無之。其脫漏最甚者。如卷八末。史論淪肌浹髓下。有中興以來。虎臣宿將。極力捍禦。如手足之衛頭目。民之戴宋。有死無二。三百年猶一日也。夫以藝祖之宵旰以圖蜀。其艱且勤也如此。蜀在今日。爲上流之重也如此。保蜀如保元氣。猶懼不支。况輕視而淺謀乎。